

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

09.04.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Տիգրան Գյուլումյանի դիմումը, շուրջ ստեղծված նյութերը՝

Պ Ա Ր Զ Ե Ց Ի



2018թ. մարտի 19-ին Կոտայքի մարզի Զրազդան քաղաքի Կենտրոն 31-րդ շենքի 22-րդ բնակարանի բնակիչ Տ.Գյուլումյանը դիմել է այն մասին, որ ստացել է վարչական տույժ նշանակելու մասին ԱԴ 577203 որոշումը, որի հետ համաձայն չէ: Նա նշել է, որ ընդունում է իր կողմից կայանման կանոնների խախտում թույլ տալու հանգամանքը, սակայն իր ավտոմոբիլը տեղափոխվել է պահպանվող հատուկ տարածք: Դիմումատուն նշել է, որ Զանրապետության հրապարակում ավտոբուսների կայանման համար նախատեսված վայրում չկա քարշակով տեղափոխման նշան, ինչի պատճառով 5.000 դրամ տուգանք նշանակելու փոխարեն իր նկատմամբ ավել 15.000 դրամ տուգանք նշանակելը համարում է անօրինական:

Դիմումի ուսումնասիրությամբ պարզվել է, որ 2018թ. մարտի 14-ին Ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչ, ոստիկանության լեյտենանտ Յ.Մարտիրոսյանի կողմից «Նիսսան» մակնիշի 93 DT 993 հաշվառման համարանիշի ավտոմոբիլի վարորդ Տ.Գյուլումյանի նկատմամբ կազմվել է վարչական իրավախախտման վերաբերյալ արձանագրություն՝ 2018թ. մարտի 13-ին, ժամը 22:30-ի սահմաններում, Զանրապետության հրապարակում կայանումն արգելված վայրում ավտոմոբիլը կայանելու համար, որի հետևանքով այն Ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչներ, ոստիկանության ավագ լեյտենանտ Կ.Հովասափյանի և ոստիկանության լեյտենանտ Մ.Մկրտչյանի կանչով քարշակի միջոցով տարհանվել և տեղափոխվել է Ճանապարհային ոստիկանության պահպանվող հատուկ տարածք: Յ.Մարտիրոսյանի կողմից, Վարչական իրավախախտումների վերաբերյալ ՀՀ օրենսգրքի 124-րդ հոդվածի 23-րդ մասի համաձայն, կայացվել է վարչական տույժ նշանակելու մասին ԱԴ 577203 որոշումը՝ Տիգրան Գյուլումյանին 20.000 ՀՀ դրամ տուգանելու մասին:

Ըստ Ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչներ, ոստիկանության ավագ լեյտենանտ Կ.Հովասափյանի և ոստիկանության լեյտենանտ Մ.Մկրտչյանի կողմից տրված գրավոր բացատրությունների՝ իրավախախտումը նկատելուց հետո, բարձրախոսի միջոցով մի քանի անգամ հաղորդել են, որպեսզի վարորդը մոտենա և վերացնի իրավախախտումը, սակայն վերջինս չի մոտեցել: Իրավախախտումը վերացնելու նպատակով՝ հրավիրել են տարհանող ավտոմոբիլ, որը մոտենալով բեռնել է «Նիսսան» մակնիշի 93 DT 993 հաշվառման

17-000-12

համարանիշի ավտոմոբիլը և տեղափոխել ճանապարհային ոստիկանության պահպանվող հատուկ տարածք:

2018թ. ապրիլի 4-ին, իր դիմումի քննարկմանը մասնակցելու նպատակով, քաղ. Տ.Գյուլումյանը հրավիրվել է ճանապարհային ոստիկանության ՃՊԾ բաժին, որտեղ գրավոր բացատրությամբ պնդել է դիմումի մեջ նշված հանգամանքերը և խնդրել է քննարկման արդյունքների մասին իրեն հայտնել գրավոր:

Այսպիսով, կատարված ուսումնասիրություններով Տ.Գյուլումյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 23-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով`

Ո Ր Ո Շ Ե Ց Ի

1.Տիգրան Գյուլումյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչ, ոստիկանության լեյտենանտ Հ.Մարտիրոսյանի կողմից կազմված վարչական իրավախախտման վերաբերյալ արձանագրության հիման վրա 2018թ. մարտի 14-ին կայացված վարչական տույժ նշանակելու մասին ԱԴ 577203 որոշումը` Տիգրան Գյուլումյանին քսան հազար դրամ տուգանելու մասին` անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան` օրենքով սահմանված կարգով և ժամկետներում:

Կատարող` Խ.Սամվելյան
հեռ.011-567944



Ե.Կարապետյան